

গণপ্রজাতন্ত্রী বাংলাদেশ সরকার  
রোগতত্ত্ব, রোগনিয়ন্ত্রণ ও গবেষণা ইনস্টিটিউট (আইইডিসিআর)

COVID-19 নিয়ন্ত্রণ কক্ষ, স্বাস্থ্য অধিদপ্তর

মহাখালী, ঢাকা ১২১২।

টেলিফোনঃ ৯৮৪০৩৭৬, ৯৮৯৮৭৯৬, ৯৮৯৮৬৯১ ফ্যাক্সঃ ৯৮৮০৪৪০

ই-মেইলঃ [info@iedcr.gov.bd](mailto:info@iedcr.gov.bd); [ncov@iedcr.gov.bd](mailto:ncov@iedcr.gov.bd) ওয়েবসাইটঃ [www.iedcr.gov.bd](http://www.iedcr.gov.bd)

০৫ মার্চ ২০২০ইং

## সংবাদ বিজ্ঞপ্তি

### জাতীয় সমন্বয় কমিটির প্রথম সভা অনুষ্ঠিত

আজ স্বাস্থ্য ভবনে স্বাস্থ্যসেবা অধিদপ্তরের মহাপরিচালক প্রফেসর ডা. আবুল কালাম আজাদের সভাপতিত্বে কোভিড-১৯ প্রতিরোধ ও নিয়ন্ত্রণকল্পে গঠিত জাতীয় সমন্বয় কমিটির প্রথম সভা স্বাস্থ্য ভবনে অনুষ্ঠিত হয়। সভায় উপস্থিত ছিলেন স্বাস্থ্যসেবা অধিদপ্তরের অতিরিক্ত মহাপরিচালক প্রফেসর ডা. নাসিমা সুলতানা, আইইডিসিআর-এর পরিচালক প্রফেসর ডা. মীরজাদী সেব্রিনা ফ্লোরা, রোগ নিয়ন্ত্রণ শাখার পরিচালক প্রফেসর ডা. শাহনীলা ফেরদৌসী, হাসপাতাল শাখার পরিচালক ডা. আমিনুল হাসান প্রমুখ।

### কুয়েত গমনোচ্ছদের স্বাস্থ্য পরীক্ষা হবে মহাখালীর জনস্বাস্থ্য ইনস্টিটিউটে (আইপিএইচ)

জাতীয় সমন্বয় কমিটির সভায় গৃহীত সিদ্ধান্ত অনুযায়ী কুয়েত গমনোচ্ছদের স্বাস্থ্য পরীক্ষা শুরু হবে আগামী শনিবার ৭ মার্চ ২০২০ সকাল ৯টা হতে মহাখালীস্থ জনস্বাস্থ্য ইনস্টিটিউটে (আইপিএইচ)। উল্লেখ্য, সম্প্রতি কুয়েত সরকার কুয়েতে প্রবেশের পূর্বশর্ত হিসেবে বাংলাদেশ সহ কয়েকটি দেশের নাগরিকদেরকে স্বাস্থ্য পরীক্ষা করে "তারা কোভিড-১৯ আক্রান্ত নন" - এ মর্মে চিকিৎসা সনদ সংগ্রহ করতে নির্দেশনা দিয়েছে। সে শর্ত পূরণ করার জন্য স্বাস্থ্য অধিদপ্তর এ ব্যবস্থা গ্রহণ করেছে। কুয়েত গমনোচ্ছ যাত্রীদেরকে তাদের পাসপোর্ট, বিমানযাত্রার টিকেট এবং তার ফটোকপি আনতে হবে। যে সব যাত্রী আগে যাত্রা করবেন তাদের স্বাস্থ্য পরীক্ষা আগে হবে।

### ফ্রেন্ডশিপ সংস্থার কর্মকর্তাদের আইইডিসিআর এ বৈঠক

COVID-19 সংক্রমণ সংক্রান্ত আলোচনা ও সহযোগিতা বিষয়ে আইইডিসিআর এ ফ্রেন্ডশিপ সংস্থার কর্মকর্তাদের সাথে বৈঠক হয়। উক্ত বৈঠকে COVID-19 সংক্রমণ প্রতিরোধ ও নিয়ন্ত্রনে সার্বিক পরিস্থিতি ও করণীয় নিয়ে আলোচনা করা হয়। ফ্রেন্ডশিপ সংস্থা COVID-19 সংক্রমণ প্রতিরোধ ও নিয়ন্ত্রনে করণীয় নিয়ে দিক নির্দেশনা চেয়ে সার্বিক সহযোগিতার কথা উল্লেখ করেন।

### মেডিসিন, টেকনোলজিস এন্ড ফার্মাসিউটিক্যাল সার্ভিসেস (এমটিএপিএস) এর কর্মকর্তাদের আইইডিসিআর এ বৈঠক

আইইডিসিআর এ মেডিসিন, টেকনোলজিস এন্ড ফার্মাসিউটিক্যাল সার্ভিসেস (এমটিএপিএস)এর কর্মকর্তাদের সাথে ফলপ্রসূ বৈঠক হয়। উক্ত বৈঠকে এমটিএপিএস প্রয়োজনীয় সরঞ্জাম সরবরাহ করে এবং COVID-19 সংক্রমণ প্রতিরোধ ও নিয়ন্ত্রনে সার্বিক সহযোগিতা করার পরিকল্পনা ব্যক্ত করেন।

### মংলা বন্দর পরিস্থিতি

মংলা বন্দরে দায়িত্ব পালনরত স্বাস্থ্য অধিদপ্তরের মেডিক্যাল টিম সূত্রে জানা গেছে মংলা সমুদ্র বন্দরে ইন্দোনেশিয়া থেকে আগত মালবাহী জাহাজে ৩ জন COVID-19 সংক্রমিত হতে পারেন এমন কয়েকজন ব্যক্তি সনাক্ত করা

হয়েছে। উক্ত ৩ জন ব্যক্তি ফিলিপিনের নাগরিক। বর্তমানে জাহাজটিকে বন্দরের বাইরে সমুদ্রে নোঙ্গর করে রাখা হয়েছে এবং উক্ত ৩ জনকে জাহাজের মধ্যে পৃথকভাবে (আইসোলেট) রাখা হয়েছে।

#### সংবাদ সম্মেলনে আইইডিসিআর পরিচালক

সাংবাদিকদেরকে নিয়মিত অবহিতকরণের অংশ হিসেবে আজ দুপুর ১২টায় আইইডিসিআর মিলনায়তনে COVID-19 সংক্রমণ বিষয়ে বিশ্ব, বাংলাদেশ ও সিঙ্গাপুর পরিস্থিতি তুলে ধরেন আইইডিসিআর এর পরিচালক প্রফেসর ডাঃ মীরজাদী সেব্রিনা ফ্লোরা।

#### প্রবাসী বাংলাদেশীদের স্বাস্থ্য পরিস্থিতি

সিঙ্গাপুর, আরব আমিরাতে, ইটালি ছাড়া অন্যান্য কোন দেশে এখনো পর্যন্ত কোনো প্রবাসী বাংলাদেশী কোভিড-১৯ আক্রান্ত হন নি। দিল্লীতে উহান থেকে আগত ২৩ জন বাংলাদেশী নাগরিক দিল্লী শহর থেকে ৪০ মাইল দূরে একটি কোয়ারেন্টিনে আছেন।

#### বাংলাদেশ পরিস্থিতি

আইইডিসিআর-এর ভাইরোলজি ল্যাবরেটরিতে COVID-19 আক্রান্ত হতে পারেন এমন ব্যক্তিদের নমুনা পরীক্ষা করে এ যাবৎ কারো নমুনাতো COVID-19 পাওয়া যায় নি। স্বাস্থ্য অধিদপ্তরের রোগ নিয়ন্ত্রণ শাখার পরিচালনায় আন্তর্জাতিক বিমান বন্দরসমূহ, সমুদ্র বন্দরসমূহ, স্থল বন্দরসমূহে বিদেশ থেকে আগত সকল যাত্রীর তাপমাত্রা পরীক্ষা করা হচ্ছে। আজ কোনো কোভিড-১৯ লক্ষণযুক্ত যাত্রী পাওয়া যায় নি।

#### আগামীকাল শুক্রবার বিকেল ৩ঃ৩০টায় সাংবাদিক সম্মেলন

সাংবাদিকদেরকে নিয়মিত অবহিতকরণের অংশ হিসেবে আগামীকাল ৬ মার্চ ২০২০ ইং দুপুর ৩.৩০ টায় আইইডিসিআর মিলনায়তনে সংবাদ সম্মেলন অনুষ্ঠিত হবে। শনিবার থেকে যথারীতি দুপুর ১২টায় সাংবাদিক সম্মেলন অনুষ্ঠিত হবে।

#### COVID-19 সংক্রান্ত সর্বশেষ পরিস্থিতিঃ (ক্রিনিংকৃত যাত্রীর সংখ্যা) (৫মার্চ ২০২০ইং)

বিষয়	২৪ ঘন্টার সর্বশেষ পরিস্থিতি	গত ২১/০১/২০২০ থেকে অদ্যাবধি
মোট ক্রিনিংকৃত যাত্রীর সংখ্যা	১৫৫৯০	৪৬৩৭১২
এ পর্যন্ত দেশের ৩টি আন্তর্জাতিক বিমান বন্দরে বিদেশ থেকে আগত ক্রিনিংকৃত যাত্রীর সংখ্যা*	৮৭৯২	২৩৫৯৮৬
দু'টি সমুদ্র বন্দরে (চট্টগ্রাম সমুদ্র বন্দর ও মংলা সমুদ্র বন্দর) ক্রিনিংকৃত যাত্রীর সংখ্যা	১৫৪	৫১৮৪
ঢাকা ক্যান্টনমেন্ট ও বেনাপোল রেলওয়ে স্টেশনে ক্রিনিংকৃত যাত্রীর সংখ্যা	২৮৮	৫১৭১
অন্যান্য চালু স্থলবন্দরগুলোতে ক্রিনিংকৃত যাত্রীর সংখ্যা	৬৩৫৬	২১৭৩৭১

\* গত ০৭/০২/২০২০ থেকে সকল আন্তর্জাতিক বিমান বন্দরে (ঢাকা, চট্টগ্রাম, সিলেট) বিদেশ থেকে আগত সকল যাত্রীকে ক্রিনিং করা হচ্ছে।

\*\* কোনো কোনো বন্দর থেকে প্রতিবেদন সময় মত না পেলে তা পরের দিনের সংখ্যার সাথে যোগ করে মোট সংখ্যা প্রকাশ করা হচ্ছে।

COVID-19 সংক্রান্ত সর্বশেষ পরিস্থিতিঃ (৫মার্চ ২০২০ইং)

বিষয়	২৪ ঘন্টার সর্বশেষ পরিস্থিতি	গত ২১/০১/২০২০ থেকে অদ্যাবধি
আইইডিসিআর হটলাইনে মোট কলের সংখ্যা	১৯৭	৪০৫৯
আইইডিসিআর হটলাইনে COVID-19 সংক্রান্ত মোট কলের সংখ্যা	১৪২	২৯৩২
আইইডিসিআরএ আগত COVID-19 সংক্রান্ত মোট সেবাগ্রহীতার সংখ্যা	১৪	১৭১
COVID-19 পরীক্ষা করা মোট নমুনার সংখ্যা	৩	১০৮
নিশ্চিতকৃত COVID-19 সংক্রমিত ব্যক্তিদের মোট সংখ্যা	০	০

COVID-19 সম্পর্কে কোন জিজ্ঞাস্য থাকলে আইইডিসিআর-এর হটলাইন নম্বরে যোগাযোগ করুনঃ

০১৯২৭৭১১৭৮৪, ০১৯২৭৭১১৭৮৫, ০১৯৩৭০০০০১১, ০১৯৩৭১১০০১১

শ্বাসতন্ত্রের সংক্রমণ প্রতিরোধে করণীয়

- নিয়মিত সাবান ও পানি দিয়ে দুই হাত ধোবেন (অন্তত ২০ সেকেন্ড যাবৎ)
- অপরিস্কার হাতে চোখ, নাক ও মুখ স্পর্শ করবেন না
- ইতোমধ্যে আক্রান্ত এমন ব্যক্তিদের সংস্পর্শ এড়িয়ে চলুন
- কাশি শিষ্টাচার মেনে চলুন (হাঁচি/কাশির সময় বাহু/ টিস্যু/ কাপড় দিয়ে নাক-মুখ ঢেকে রাখুন)
- অসুস্থ পশু/পাখির সংস্পর্শ পরিহার করুন
- মাছ-মাংস-ডিম ভালোভাবে রান্না করে খাবেন
- অসুস্থ হলেঘরে থাকুন, বাইরে যাওয়া অত্যাৱশ্যক হলে নাক-মুখ ঢাকার জন্য মাস্ক ব্যবহার করুন
- কারো সাথে হাত মেলানো (হ্যান্ড শেক), কোলাকুলি থেকে বিরত থাকুন
- জরুরী প্রয়োজন ব্যতীত বিদেশ ভ্রমণ করা থেকে বিরত থাকুন এবং এ সময়ে অন্য দেশ থেকে প্রয়োজন ব্যতীত বাংলাদেশ ভ্রমণে নিরুৎসাহিত করুন
- অত্যাৱশ্যকীয় ভ্রমণে সাবধানতা অবলম্বন করুন

স্বা/ =

অধ্যাপক ডাঃ মীরজাদী সেব্রিনা ফ্লোরা  
পরিচালক

ফোন নম্বরঃ ০২-৯৮৪২২৭০